

juvenes et virgines, senes cum junioribus. Sed et lingua mea, o pie Jesu, meditabitur justitiam tuam, tota die laudem tuam. Omnia ossa mea dicent: Domine, quis similis tibi? Potens es, Domine, et veritas tua in circuitu tuo: magnificus in donis tuis, et sanctus in omnibus operibus tuis. Jucundum sit tibi eloquium meum; ego vero delectabor in te, et in mandatis tuis exercebor; tene manum dexteram meam, et in voluntate tua deduc me, ut aliquid cum gloria suscipias me. Amen.

Aspiratio ad Jesum.

Obsecro te, mitissime ac bone Jesu, ut haec immortalis hostia pro me tibi gratias referat, me tibi reconciliet, me tibi restituat, mihique peccatori veniam tribuat et ad vitam perducat æternam. Amen.

Anima Christi, etc. pag. 45.

Oratio ad B. M. V.

Sancta Maria, quæ in Incarnatione Domini nostri Jesu Christi facta es Arca fæderis, me, o Mater, benigne respice, qui dignum nunc objectum oculorum tuorum factus sum, et impetra mihi, ut ad exemplum tuum cor meum ab omni sorde peccati mundum custodiam, illudque, benigna manu tua auxiliante, virtutibus fidelis Sacerdote dignis omni die magis ac magis exornare studeam. Amen.

Oratio ad Sanctos.

Concede mihi, Domine Jesu Christe, intercedentibus S. Angelo Custode, S. Joseph, SS. Patronis meis N. N. et Sancto N., tibi, in Eucharistia vere, realiter et substantialiter præsenti, semper magis cre-

dere, in te spem habere, te diligere, donec, te reuelata cernens facie, visu sim beatus tuæ gloriæ. Amen.

DIES XXI.

ANTE MISSAM.

O veneranda Sacerdotum dignitas, in quorum manus, veluti in utero Virginis, Dei Filius incarnatur! (S. Aug. Hom. 2 in Ps. 37.) Virgo benedicta, excusa me, quia non loquor contra te: Sacerdotum Filius tuus pretulit super te. (S. Bernardinus Sen. Tom. I Serm. 20.)

Actus fidei.

Credo firmiter, o Jesu, et viva fide profiteor, quia tu ipse, Deo Patri æqualis in gloria et potestate, verus Deus et Homo, vere et realiter præsens es in hoc Sacramento. Tu enim ipsa veritas dixisti: Hoc est Corpus meum. Hic est calix Sanguinis mei. Credo quidquid dixit Dei Filius; nil hoc verbo veritatis verius. Adjuva, Domine Deus meus, incredulitatem meam, adauge mihi fidem, in qua, auxiliante tua, divina gratia, vivere volo et mori.

Actus spei.

O Christe Jesu! sum quidem ego pulvis, cinis et peccator; sed tu Pater es misericordiarum et Deus totius consolationis. Quis umquam intellexit misericordias tuas? Nonne tu laborantes et oneratos vocas ad te, ut eos reficias? Nonne tu es refugium meum? Ad quem ergo irem? Tu solus verba æternæ vita-

habes : tu solus consolans me in omni tribulatione mea. Sum quidem æger et infirmus : sed tu es salus mea : non est opus bene valentibus medico sed male habentibus. Si solummodo pertransiens curabas omnes ; si umbra Petri curabat infirmos : nonne ego confidere debeo, quia, intrante te sub tectum meum, et in me inhabitante cum plenitudine Divinitatis, sanabor ab infirmitatibus meis ? Igitur cum nihil, te propitio, mihi conscientis sim, surgo et vado ad te Patrem, medicum et refugium meum ; sperans, quod hoc Sacrificium et hæc Communio futura mihi sint fidei, spei et charitatis augmentum : contra inimicorum meorum insidias firmissima tuitio ; turpium cogitationum effugatio ; hujus defectus et vitii N. exterminatio ; operum tibi placentium et præsertim hujus virtutis N. salubris efficacia ; et tandem pignus futuræ gloriæ. Deposita est hæc spes mea in sinu meo ; quia miserator et misericors es et in promissis fidelissimus.

Actus charitatis.

O Dulcissime Salvator, Christe Jesu, quanta fuit vis amoris, quæ te traxit e sinu Patris in hanc lacrymarum vallem, ut humanam carnem assumeres ; infinitas miserias, injurias, imo crucem mortemque subires ; idque solum propter miserios nos homines et propter nostram salutem ! O quantus amor damnare nos poteras et salvare maluisti ! nos rei eramus, et tu innocens subis supplicium, ut reos liberes ! Ex amore itaque ad nos in carnem venisti, et demum abituras ex hoc mundo ad Patrem, in pignus amoris, hoc Sacramentum nobis reliquisti : ut modo prorsus novo et admirabili semper nobiscum maneres, cuius deliciæ sunt esse cum filiis hominum. O Domine : quantum dignus es amari, qui tanta facis amore no-

stri ! Diligam itaque te, Domine, fortitudo mea, refugium meum et liberator meus. O Deus charitas ! qui in charitate manet, in te manet. Cupio te suscipere in hoc Sacramento, ut tibi firmius uniar amoris vinculo. Quis me separabit a charitate Christi, Salvatoris mei ? Utinam hoc nec vita, nec mors, nec ulla fortunæ sors, aut ulla valeat creatura !

Actus contritionis

EX MISSA S. JACOBI APOST.

Domine, Deus noster, Panis coelestis, Vita universi, peccavi in cœlum et coram te, et non sum dignus particeps fieri immaculatorum tuorum Mysteriorum. Sed, ut misericors Deus, dignum me fac gratia tua, ut crita condemnationem, particeps fliam sancti Corporis et pretiosi Sanguinis in remissionem peccatorum et vitam æternam. Amen.

Oratio ad B. M. V.

O Maria, o Janua Cœli, per quam, ut confido, ad æterna aliquando introibo tabernacula, auxiliare mihi, qui ad Altaris Sacramentum accedere paratus sum : ut, divino illo cibo confortatus, ambulem per hujus mundi desertum usque ad montem Dei, et ibi Jesum non amplius oculis fidei, sed facie ad faciem tecum videam in sœcula sœculorum. Amen.

Oratio ad Sanctos.

Suppliciter te deprecor, dulcissime Jesu, per merita S. Angeli Custodis, S. Joseph, SS. Patronorum meorum N. N. et Sancti N. concedem mihi illa semper fide, illa devotione et reverentia sanctissima Mysteria

Corporis et Sanguinis tui celebrare, ut quotidie mihi prospicit, quod quotidie ad salutem meam mihi recolare donasti. Amen.

DIES XXI.

POST MISSAM.

Offer Deo Patri Filium suum.

Clementissime Pater, qui sic dilexisti me, ut Unigenitum tuum mihi dares in pretium et in cibum, et cum eo omnia : respice in faciem Christi tui, in quo tibi bene complaces. Hunc ego dilectum Filium, et cum eo cor meum retribuo tibi pro his, quæ hodie retribuisti mihi. Complaceat tibi, Pater, hodie in illo, et per eum indignationem tuam avertas a me. Ecce mediator Dei et hominum, Christus Jesus, adlocutus et pontifex, qui interpellat pro me. Hunc ego offero tibi ; ipsum, qui peccatum non fecit, sed tulit peccata mundi, et languores nostros suo labore sanavit. Suscipe igitur, O Sancte Pater, hanc immaculatam Hostiam, in laudem et gloriam nominis tui ; in gratiarum actionem pro omnibus beneficiis tuis in me collatis ; in remissionem quoque peccatorum meorum, et in supplementum omnium defectuum meorum.

Offer te ipsum Christo.

O Domine ! quia ego servus tuus et filius ancilla tuæ ; abrenuntio satanæ et omnibus operibus ejus, et omnibus pompis ejus : tu solus Deus cordis mei et pars mea Deus in æternum : tu solus pars hæreditatis meæ et calicis mei : tu es qui restitues hæreditatem meam mihi. Suscipe ergo solus universam libertatem

meam ; accipe memoriam, intellectum atque voluntatem omnem ; quidquid habeo, vel possideo, mihi largitus es ; id totum tibi restituo, ac tuæ prorsus voluntati trado gubernandum : amorem tui solum cum gratia mihi dones, et dives sum satis, nec quidquam aliud ultra posco.

Postula dona Dei.

Omnipotens, semperne Deus, conservator animarum, mundique Redemptor, me famulum tuum ante majestatem tuam prostratum benignissime responde, et Sacrificium, quod, in honorem nominis tui, pro salute fidelium tam vivorum quam etiam defunctorum, et peccatis et offenditionibus meis obtuli, piissime respice : iram tuam a me remove, gratiam et misericordiam mihi concede, januam paradisi mihi pande, ab omnibus malis me potenter eripe ; et quidquid proprio commisi reatu, clementer indulge. Sic in hoc sæculo in præceptis tuis fac me perseverare, ut dignus electorum gregi copulari efficiar, te præstante, Deus meus ; cuius nomen benedictum, honor atque regnum permanet in sæcula sæculorum. Domine, qui benedictis benedicentes te, et sanctificas eos, qui in te confidunt ; salva populum tuum, et benedic hæreditati tuæ et custodi Ecclesiæ tuæ plenitudinem. Sanctifica diligentes decorum domus tuæ. Tueis gloriam retribue per Divinam potentiam tuam, et ne derelinquas, Deus, sperantes in te. Egrotis da auxilium, remedium et consolationem. Peregrinantibus pacem tribue. Aerem tempera. Fructibus terræ benedic. Conserva in pace mundum, ecclesias, reges, sacerdotes et omnem populum tuum. Defunctis requiem præsta ; eorumque, qui dona obtulerunt et pro quibus obtulerunt, memor esto. Eos qui in qua-

cumque tribulatione et angustia sunt, salva, et nobis gratiam tribue. Amen.

Anima Christi, etc. pag. 45.

Oratio

EX MISSA S. JACOBI APOST.

Imple os nostrum laude tua, Domine, et gaudio reple labia nostra, ut laudemus gloriam tuam, tota die magnificentiam tuam. Gratias agimus tibi, Christe, Deus noster, quoniam dignatus es nos particeps facere Corporis et Sanguinis tui in remissionem peccatorum et vitam æternam. Nos a condemnatione conserves, obsecramus, ut qui bonus es etiam benignus sis. Amen.

Oratio ad B. M. V.

Ad te, o Mater et Cœli janua, recurro, humillime orans, ut, te intercedente, gratias cunctas, quas pro me et aliis mediante hoc sancto Sacrificio impetrare desidero, nobis Dominus Jesus Christus concedat, tandemque nos omnes ad vitam perducat sempiternam, illic cum Angelis et Archangelis illius in nos amorem, et maternam tuam erga nos dilectionem in æternum decantatueros. Amen.

Oratio ad Sanctos.

Rogo te, piissime Jesu, ut suffragiis S. Angeli Custodis, S. Joseph, SS. Patronorum, meorum N. N. et Sancti N. a charitate tua nec in vita, nec in morte separer, et quotidie æmuler charismata meliora; donec, consummato hujus vite labore, ut servus bonus et fidelis intrare merear in gaudium tuum. Amen.

DIES XXII.

ANTE MISSAM.

Sacerdos est inter Deum et hominem medius constitutus, minor Deo sed major homine. (Inn. III Serm. 2. in Cons. Pont.)

Qui sacerdotem dixit, prorsus divinum insinuarit virum. Angelica imo Divina ejus est dignitas. (S. Dion. de cael. Hier. c. 3.)

Oratio preparatoria.

O dulcissime Salvator, Christe Jesu, adoro te ex toto corde meo, et gratias ago tibi ex intimis visceribus animæ meæ, quod tanta charitate nos misere perditos redemeris pretio Sanguinis tui; et in hujus amoris tui memoriam, nec non in pignus futurae gloriae tam admirabili potentia, sapientia et bonitate, dederis nobis in cibum et potum ipsum Corpus et Sanguinem tuum. Denique ad haec Divina Mysteria celebranda me vilissimum peccatorem in numerum Sacerdotum tuorum tua ineffabili clementia vocare dignatus sis. Sed eheu infelix ego homo! qui hactenus tam indigne vocatione tua vixi, et toties et tam graviter te Deum meum offendi peccatis meis, praesertim his N. N. At nunc de iis doleo ex intimo corde meo ob amorem tui super omnia, et deinceps tibi soli servire, placere, et adhaerere propono. Proinde, nunc accedens ad mensam convivii tui, ex omni affectu cordis mei dignissimum Sacrificium Corporis et Sanguinis tui, quod tu ipse semel pro nobis in Ara Crucis obtulisti, pura et simplici intentione offero ad laudem et gloriam æternæ Majestatis tue; in memoriam sacratissimæ Incarnationis, Vitæ, Pas-

sionis et Mortis tuæ. In gratiarum actionem pro omnibus donis et beneficiis, toti cœtui Electorum et mihi, licet indignissimo, hucusque præstitis vel umquam præstandis : in propitiationem peccatorum meorum et totius mundi : pro salute quoque fidelium vivorum N. N. et solatio defunctorum N. N. Et utinam ex omni affectu, fervore et desiderio amicorum tuorum, vel jam regnantium in cœlo, vel adhuc militantium in terris, hoc tam grande pietatis opus peragere possem !

Oratio ad Jesum.

Audivi vocem tuam, Domine Jesu ; venite ad me omnes qui laboratis et onerati estis, et ego reficiam vos. O Sancte Sanctorum ! ecce tu inclinas te ad me ; tu vis esse mecum ; tu me invitas ad convivium tuum ; tu mihi dare vis celestem cibum et Panem Angelorum ad manducandum ; non alium sane, quam te ipsum, Panem vivum, qui de cœlo descendisti et das vitam mundo. O invisibilis conditor mundi ! quam mirabiliter agis nobiscum ! quam suaviter et gratiouse cum electis tuis disponis, quibus temetipsum in Sacramento sumendum proponis ! Lætare, anima mea et gratias age Deo pro tam nobili munere et solatio singulare, in hac lacrymarum valle tibi relicto.

Actus contritionis.

Terrent me, Domine, delicta mea, et ad capienda tanta Mysteria me reverberat impura mea conscientia. Provocat me dulcedo verborum tuorum ; sed onerat me multitudo vitiorum meorum. Quis ego sum, Domine, ut ad te præsumam accedere ? Quomodo ausus ero ad te venire, qui nihil boni mihi conscientis sum, unde possum præsumere ? Quomodo te introducam in domum meam, qui sæpius offendi

benignissimam faciem tuam, quam reverentur Angeli et Archangeli, quam metuunt sancti et justi ? Peccavi, Domine, peccavi ; miserere mei, ignosce mihi. Quid possum agere pro peccatis meis, nisi humiliter ea confitendo et lamentando, et tuam propitiationem ardenter deprecando ? Deprecor te, exaudi me propitiatus, Deus meus. Omnia peccata mea mihi maxime displicent; nolo ea umquam amplius perpetrare ; pro eis doleo, et dolebo quamdiu vixerim. Omnia totius vitæ meæ delicta pariter incende et combure igne charitatis tui ; dele universas maculas eorum ; conscientiam meam ab omni delicto emunda, et restitu mei gratiam tuam, quam peccando amisi, omnia mihi plene indulgendo, et ad osculum pacis me misericorditer assumendo. Amen.

Oratio ad B. M. V.

Virgo superbenedicta, ad te tamquam ad Stellam matutinam, quæ animam meam lætitiat et ad omnem virtutem viam indicat, oculos attollo, suppliciter orans ; ut pro me apud Dominum meum Jesum-Christum intercedas, quatenus peccata mea mihi remittere et Corporis et Sanguinis sui perceptione mihi augmentum suæ gratiæ largiri dignetur, et ita mundatus et ditatus sanctius quotidie vivam in ordine sacerdotali. Amen.

Oratio ad Sanctos.

Dulcissime Domine Jesu-Christe, qui me ad officium Sacerdotale eligere dignatus es, te oro ut per intercessionem S. Angeli Custodis, S. Joseph, SS. Patronorum meorum N. N. et Sancti N. Officium ipsius Angelicis creaturis formidandum nunc et semper sancte obire valeam, et, soluto mortalitati humanae

debito eum omnibus tuis sanctis Sacerdotibus partem habeam in celis. Amen.

DIES XXII.

POST MISSAM.

Gratiarum actio.

O clementissime Salvator, Christe Jesu! quam suavis es et mitis, et multæ misericordiæ omnibus invocantibus te! Cum enim non essemus, divina potentia creasti nos; cum inimici tui essemus, e cœlo veniens mira sapientia redemisti nos; et quia sine te tam corpore quam spiritu vivere, moveri et esse non possumus, immensa bonitate tua tot Sacramentis et auxiliis gratiæ nos usque conservas; imo Corpus et Sanguinem tuum, id est te ipsum, modo prorsus admirabili in hoc Sacramento largiris. O Charitas! o Pietas! o novum et grande Mysterium! Tune, Deus meus, ad me venire dignaris? Rex ac Dominus summæ Majestatis ad infimum servum? Deus ad hominem? Creator ad creaturam? Unde hoc mihi, ut tu, Domine, venias ad me? O Deus et Dominus noster! quam admirabile est nomen tuum in universa terra! et quis narrabit potentias et auditas faciet omnes laudes tuas? Ego quidem, etsi omnia membra mea verterentur in linguis et omnes vitæ meæ respirationes in tui laudes et gratiarum actiones; attamen longe minor essem cunctis miserationibus tuis. Unde agnoscens insufficientiam meam, id unum votis omnibus exopto, ut omnes creaturæ tuae mecum et pro me laudent et benedicant nomen tuum in æternum.

Pie aspirationes ad Jesum.

Inveni quem diligit anima mea; tenui eum, nec dimittam. Te, mi Jesu, amplector. Te, amorem et gaudium meum, obtineo. Te cordis mei thesaurum comprehendo, in quo omnia possideo. De omnibus necessitatibus meis erue me, Domine, et fac, ut tam plene tibi sim, quam tu mihi. Tu es, o Jesu, Creator meus; cor mundum crea in me, et Spiritum rectum innova in visceribus meis. Tu es Rex et Dominus meus; posside me et nemo præter te. Tu es Doctor et Magister meus; bonitatem et disciplinam et scientiam doce me. Tu es Advocatus meus apud Deum Patrem; fac ut avertat indignationem suam a me. Tu es qui venturus es judicare vivos et mortuos; ne intras in judicium cum servo tuo. Tu es dilectus meus Sponsus; desponsa me tibi in misericordia et miserationibus. Tu Dux et Defensor meus; pone me juxta te, et cujusvis manus pugnet contra me. Tu Victima pro me factus es; in Domino sperans non infirmabor. Tu Salvator et Redemptor meus es; consumma opus tuum, et labor tuus non sit cassus. Tu es Pars hæreditatis meæ, et Portio mea in terra viuentium; hæreditatem meam restitue mihi. Tu es Gloria mea, Corona et Merces mea magna nimis; admitte me in bona Domini, quæ præparasti diligentibus te. O Jesu! o piissime Jesu! o Jesu, fili Mariæ Virginis! infunde in me gratiam, sapientiam, charitatem, castitatem, humilitatem; ut possim te perfecte diligere, te laudare, te perfervi, tibi servire, et in te glorari, nunc et in perpetuum. Amen.

Alia ad Jesum oratio.

O Jesu! vita mea, gaudium meum et summa suavitatis! quid poterit me separare a te? An voluptas

brevis, opes caducæ, honores falsi, nugæ nugarum? Nec illæ, nec istæ facient, o bone Jesu! mihi enim tibi adhærere bonum est et ponere in te spem meam. Adjuva me, pie Jesu, in sancto proposito meo; promissionum mearum ne me sinas umquam oblivisci. Sit mihi Sacratissimum tuum Sacramentum contra omnium peccatorum meorum vulnera efficacissimum medicamentum, ac omnis gratiæ et virtutis Victoriosum complementum: sit contra omnia mala et pericula validissimum tutamentum, æternæque beatitudinis solidissimum fulcimentum. Amen.

Anima Christi, etc. pag. 45.

Oratio ad B. M. V.

Sancta Virgo Maria, Stella matutina quæ viam nobis ad patriam cœlestem indicas, pro me indigno cliente tuo precari digneris; ut te, stellam, sequens et nec ad dexteram nec ad sinistram declinans, ad te et ad Jesum, Filium tuum, secure perveniam, ac te, eundemque dilectissimum tuum Jesum, in societate omnium Sanctorum et Electorum, sine fine amem et collaudem. Amen.

Oratio ad Sanctos.

Sancti Angeli Custodis, S. Joseph, SS. Patronorum meorum N. N. et Sancti N. confisus suffragiis, te, Domine Jesu Christe, suppliciter rogo, ut cum perceptione Corporis tui sacri et Sanguinis tui pretiosi concedas mihi in cunctis tribulationibus et adversitatibus patientiam et cum tua sancta voluntate conformitatem; quatenus tecum patiens, tecum glorificari merear. Amen.

Amo te quoque, o bone Jesu, et tota virtute cordis mei; et semper deinceps et in æternum te amabo, si tu, Deus meus, dederis.

DIES XXIII.

ANTE MISSAM.

Stat Sacerdos, non sicut Elias ignem gestans, sed Spiritum Sanctum; preces multo tempore fundit, non ut fax demissa cœlitus apposita, consumat, sed ut gratia in Sacrificium delapsa per illud omnium animos inflammet, et argento igne purgato splendidiores exhibeat. Hoc itaque terribilissimum ministerium quis tandem, nisi admodum insaniat, vel mente captus sit, despiceret queat? (S. Chrys. L. 3. de Sac.)

Actus diversarum virtutum.

Corde credo, o Jesu, et ore confiteor, quia Pater æternus, Deus in seipso summe beatus, potens, perfectus, et nullius egens, secundum infinitam misericordiam suam sic dilexit mundum ut te Filium suum Unigenitum nobis daret Salvatorem. Credo quoque, quod tu ipse, Patri æqualis per omnia, ex vi immensæ charitatis tue de sinu Patris descendisti in uterum Virginis, et propter nos homines Homo factus es. Credo, quod, ex amore nostri hoc sanctissimum Sacramentum in ultima cena instituens, verum Corpus et Sanguinem tuum nobis ad manducandum et bibendum dedisti. Et denique, Patri tuo factus obediens usque ad mortem, temet ipsum pro nobis hostiam in Ara Crucis obtulisti.

Ideoque spero in te, et magna fiducia venio ad te, o Domine, qui nostri causa tam mira facere et tam dira pati voluisti. Quid enim negare poteris, qui sic amasti, ut te ipsum dares?

Amo te quoque, o bone Jesu, et tota virtute cordis mei; et semper deinceps et in æternum te amabo, si tu, Deus meus, dederis.

Sed quid retribuam tibi, Domine, pro tanto munerere, et pro omnibus quæ retribuisti mihi? Ecce abnego memetipsum; et totum me, corpus et animam, et omnia mea in omne beneplacitum benignissimæ voluntatis tue plene etex toto corde resigno. Verum quid habeo, quod non acceperim? Quid est homo, si comparetur factori suo? Quid vilis creatura, vermis terræ, miser peccator, servus inutilis præstare poterit Deo, Creatori ac Domino suo?

Agnosco, quia pauper et inops sum ego, ideoque humilio me sub potenti manu tua. Tu vero, o Dominus Jesu, utpote advocatus et mediator meus, dives in meritis et miserationibus, suscipe causam meam et ex thesauro immense charitatis tuæ fer opem inopiam meæ, et pretium Sanguistui omniumque meritorum tuorum repræsenta æterno Patri tuo: et hinc supple omnem defectum meum, præcipue hujus meæ, heu! nimis modicæ et imperfectæ præparationis, qua ad hec Sancta Mysteria venio; ut sic per te ei placeat obsequium indignissimæ servitutis meæ.

Fac etiam o bone Jesu, per omnes miserationes tuas, ut hoc tremendum Mysterium et admirabile donum charitatis tuæ, debita semper fide, reverentia et gratitudine prosequar, idque puro et ardentí corde nunc et semper recipiam. Statum hunc quoque Sacerdotalem, ad quem me ex singulari gratia vocare dignatus es, charitate, castitate, humilitate, mansuetudine, patientia, sobrietate, moribusque tibi placitis et Sacerdote fideli dignis, excolare studeam; idque, ut servitus mea magis tibi placeat, ad maiorem gloriam tuam, Ecclesie utilitatem, et propriam proximique salutem.

Unde tandem supplex rogo, ut per virtutem Corporis et Sanguinis tui abstrahas cor meum efficaciter ab his meis noxiis affectibus N. N. qui gustum aë fructum hujus Sacramenti impediunt; et intimetibi

me unias et incorpores, ut gustem quam suavis sis, Domine, et unus tecum officiar spiritus, ut tu in me, et ego in te maneam; adeoque nihil sit, quod me umquam valeat separare a te. Nam tibi adhærere mihi bonum est. Quid enim mihi est in cœlo, et a te quid volui super terram? Opars mea, Deus, in æternum!

Directio intentionis.

Domine Jesu, qui universorum es conditor, omniumque bonorum largitor, en ego pauper, nudus, miser et miserabilis ad te confugio, ut mei miserae-ris et cuncta mea peccata deleas et ita digne ad tuum sanctum Altare accedam. Tibi enim offerre cupio Sa-cificium immaculatum in memoriam Passionis et Mortis tuæ, obsecrans ut illud per Cor tuum susci-pias et Patri offeras in unione omnium meritorum tuorum et Mortis tuæ in Cruce et in unione illius intentionis, quibus tu illud obtulisti in Ara Crucis. Par-ce itaque Domine generi humano, quod tu creasti et per Mortem tuam ab æterna morte redemisti, da unicuique sicut tu scis, potes et vis ad gloriam tuam et omnium salutem. Amen.

Oratio ad B. M. V.

O benedicta inter omnes Virgo Maria, tu qui es *Salus infirmorum et affectorum Consolatrix*, mihi infirmo et afflito servo tuo materna pietate succurre; ut animæ robur et Spiritus Sancti consolationem per hanc Jesu-Christi Corporis et Sanguinis communione percipere valeam, quatenus in mediis per-versis hujus mundi perturbationibus et dæmonum tentationibus, Deo animo semper inconcusso adhæream. Amen.

Oratio ad Sanctos.

Omnipotens, semperne Deus, oro te suppliciter, ut intercessione placatus S. Angeli Custodis, S. Joseph, SS. Patronorum meorum N. N. et Sancti N. omnia delicta mea abstergere animamque meam super nivem dealbare digneris, ut purus ad te Deum puritatis accedere, et ex perceptione Divinorum Mysteriorum gratias desideratas valeam percipere. Amen.

DIES XXIII.

POST MISSAM

Oratio ex Imitatione Christi.

O dilekte mi, electe ex millibus, Jesu Domine, in quo complacuit animæ meæ habitare omnibus diebus vitæ suæ. O pacifice mi, in quo pax summa, requies vera! O Deus absconde, cuius sermo cum humilibus! o vere ineffabilis gratia tua! o vere admirabilis dignatio tua! o amor immensus, animæ meæ singulariter impensus! o Jesu, quanta est dulcedo in convivio tuo! O quam dulce mihi foret in praesentia tua ex intimo affectu lacrymas fundere, et cum pia Magdalena pedes tuos lacrymis irrigare! Certe in conspectu tuo et sanctorum Angelorum tuorum totum cor meum ardere deberet et ex gaudio flere. O quam magnum suscepit Dominum! quam dilectum induxi hospitem! quam jucundum recepi socium! quam fidelem acceptavi amicum! quam speciosum et nobilem amplector sponsum! O Jesu bone! sileant a facie tua cœlum et terra, et omnis ornatus eorum. Mane in secreto, anima mea, et fruere Deo tuo: ipsum enim habes, quem totus mundus tibi auferre non potest.

Oblatio.

O Pater misericordiarum, et Deus totius consolationis, qui ex abundantia infinitæ charitatis tue disti mihi Unigenitum Filium tuum! En ego, miser peccator, nunc particeps factus Corporis et Sanguinis ejus, illum in pectore meo complectens et tamquam rem meam intime mihi conjunctam possidens; illum ipsum, in unione charitatis, qua seipsum dedit in Ara Crucis, tibi offero. Ecce hic est thesaurus, Pater clementissime, in quo totam spem reposui; haec sunt divitiae, quas offero in satisfactionem debitorum meorum. Aspice, pie Pater, in faciem Christi tui; et cum sit hic Filius tuus dilectus, in quo tibi bene semper complacuit, qui mihi nunc intime conjunctus est, supplex rogo, ut me quoque aspicias oculis misericordiae tue. Sub ejus protectione ac tutela, sub umbra meritorum ipsius compareo coram te; ut, illum præcipue intuens, me quoque clementer ac benigne respicias tamquam mancipium ejus ac servum perpetuum. Ne permittas, obsecro, ut pereat illa anima, quæ toties in se recipit Filium tuum, qui, a te missus, venit in mundum querere et salvum facere quod perierat. Hoc præsta mihi per infinitam misericordiam tuam. Amen.

Invocatio.

Sit, quæso Domine, haec præcellentissima Hostia, quam tibi modo obtuli, in plenam emendationem, expiationem atque satisfactionem, pro omnibus peccatis et negligentiis meis et pro peccatis totius mundi. Per illam instaura omnes ruinas meas spirituales et supple omnem inopiam meam. Per illam mortifica in me quidquid tibi displicet, et effice me hominem secundum cor tuum. Per illam conforma spiritum,

animam et corpus meum, Spiritui, Animæ et Corpori sacrae Humanitatis tuæ, meque totum luce Divinitatis tuæ illustra. Per illam largire, ut in te stabiliar, te perfecte et perseveranter diligam, intime tibi uniar ac totus in te transmuter, ad laudem nominis tui, quod invocatum est super nos. Converte, Domine, miseros peccatores; revoca hæreticos atque schismaticos; illumina infideles te ignorantibus; adesto omnibus, qui in necessitate et tribulatione aliqua sunt constituti; adesto his, qui se meis precibus commendarunt, aut commendatos esse cupiunt; adesto parentibus, propinquis et benefactoribus meis, vivis et defunctis. Miserere omnium, pro quibus orare debo et tu rogari vis; da vivis veniam et gratiam; da fidelibus defunctis requiem et lucem sempiternam. Tibi laus, Christe Jesu, in sœcula sœculorum. Amen.

Anima Christi, etc. pag. 45.

Oratio ad B. M. V.

O benignissima Virgo Maria, tu quæ es *Salus infirmorum et afflictorum Consolatrix*, pro me intercede apud dilectissimum Filium tuum, ut Corpus et Sanguis ejus, quæ modo suscepisti præstent mihi robur contra tentationes inimici, et animam meam spirituali gaudio repleant; quatenus Domino ac Deo meo in sancta lætitia serviens, in ejus amore et status Sacerdotalis perfectione jugiter crescere valeam. Amen.

Oratio ad Sanctos.

Per merita et intercessionem S. Angeli Custodis, S. Josephi, SS. Patronorum, meorum N. N. et Sancti N. te suppliciter deprecor, Domine Jesu Christe, ut qui me Pane Angelorum cibare dignatus es, tribuas

etiam Angelicis moribus vivere, et ea quæ sursum sunt sapere et quærere, non quæ super terram. Amen.

DIES XXIV.

ANTE MISSAM.

Quo non oportet esse puriore tali fruentem Sacrificio? Quo solari radio non splendidiorem manum Carnem hanc dividentem? Os quod igne spirituali repletur? Lingua quæ tremendo nimis Sanguine rubescit? (S. Chrys. Hom 83 in Matt.)

Necesse est, Sacerdotem sic esse purum, ut si in ipsius Cœlis collocaretur, inter cœlestes virtutes medius staret. (Idem de Sac. Lib. 6.)

Actus fidei.

Credo et confiteor, quia tu præsens es in Altaris Sacramento, Deus meus, Sanctus Sanctorum, Creator omnium et Dominus Angelorum. Quidquid de hoc Augustissimo Mysterio non valeo intelligere, tibi Deo omnipotenti secure commendo: non fallis me, Deus meus. Et si talia essent opera tua, ut facile ab humana ratione caperentur, non essent mirabilia nec ineffabilia dicenda. O quam admirabilis operatio tua Domine! quam potens virtus tua: quam ineffabilis veritas tua? dixisti enim et facta sunt omnia; et hoc factum est, quod ipse jussisti.

Actus spei.

Super bonitate tua et magna misericordia tua, Domine, confusus, accedo æger ad Salvatorem, esuriens et sitiens ad Fontem vite, egenus ad Regem cœli, servus ad Dominum, creature ad Creatorem, deso-

latus ad meum pium Consolatorem : sperans, quod in hoc Sacramento mihi conferetur spiritualis gratia et reparabitur in anima mea virtus amissa, et per peccatum deformata redibit pulchritudo, et demum conservabitur cor meum et corpus immaculatum.

Actus charitatis.

O Dilecte mi, da mihi pro te omnes dilectos relinquare, et te solum super omnia amare et te mihi viventi et morienti amicum retinere. Esse sine te gravis est infernus ; et esse tecum dulcis paradisus. O thesaurus inæstimabilis ! o bonum super omne bonum ! o Deus meus et omnia ! intelligenti satis dictum est, et sœpe repetere jucundum est amanti. Purifica, lœtifica, clarifica et vivifica spiritum meum cum suis potentiis, ad inhærendum tibi jubilosis excessibus.

Actus desiderii.

Ecce, Domine, in te est totum, quod desiderare possum et debeo. Tu salus mea et redemptio, spes et fortitudo, decus et gloria. Desidero te nunc devote et reverenter suscipere. Cupio te in domum meam inducere ; quatenus cum Zachæo merear a te benedici ac inter filios Abrahæ computari. Anima mea Corpus tuum concupiscit ; cor meum tecum uniri desiderat. Noli avertere faciem tuam a me ; noli visitationem tuam abstrahere. Veni, Domine, veni ad pauperculum tuum et lœtum fac eum ; veni et satia me tua præsentia. Quamdiu hoc datum non fuerit, nec plenum gaudium meum erit.

Actus contritionis.

Confiteor tibi, Domine, Deo meo omnipotenti omnia

peccata mea, quæcumque ab infantia mea usque nunc scienter aut ignoranter commisi. Et quæcumque præsertim in hac die ac nocte, dormiens et vigilans, in verbis, factis, cogitationibus contra tuam sanctissimam voluntatem patravi, tibi confiteor, et veniam peto, ut ira tua non veniat super me miserum peccatorem, sed benedictio Dei omnipotentis descendat super me et maneat semper. Suscipe hanc confessio-nem meam, unica spes salutis meæ, Domine Deus meus, de quibuscumque meis peccatis gulæ, ebrietatis, libidinis, acediæ, somnolentiæ, ire, cupiditat, invidiæ, detractionis, murmuratio-nis, mendaci, vanæ gloriæ, levitatis, inobedientiæ atque superbiæ : de omni cogitatione, locutione atque multis malis meis, quorum coram te reus sum. Qui justificas impium et vivificas mortuos, resuscita me et indulge famulo tuo ; quia peccator indignus sum, qui præsumam ad tuum sanctum Altare accedere et te invocare. Merear, Domine, percipere Sacrosanctum Corpus et Sanguinem tuum, non in iudicium et condemnationem, sed in remissionem omnium peccatorum meorum et in augmentum tui sancti amoris et gratiæ ; ut illuc tandem merear introire, ubi summum bonum es et ineffabile gaudium omnium Sanctorum. Amen.

Directio intentionis.

Ego volo istam Missam cum debita attentione et devotione celebrare et offerre illud Sacrificium ad laudem Dei, in gratiarum actionem pro beneficiis ab eo acceptis, in remissionem meorum et totius mundi peccatorum. Tandem volo hujus Sacrificii fructus communicare mihi, parentibus, fratribus, sororibus, consanguineis et omnibus mihi commendatis, præcipue N. et N. quibus tu, Domine Deus, vis et scis

me obligatum : et hanc mihi et illis communicatio-
nem volo et a te Deo meo, postulo, in quantum licite
et secundum leges justitiae ac charitatis velle et postu-
lare possum.

Oratio ad B. M. V.

O Sancta Virgo Maria, Refugium peccatorum et
Christianorum Auxilium, omni cum fiducia ad ma-
ternam et benignissimam tuam protectionem confu-
gio. Ah ! pro me misero et christiano nomine indi-
gno peccatore intercedere digneris ; ut perceptio
Corporis et Sanguinis Domini mei Iesu-Christi non
proveniat mihi in judicium et condemnationem, sed
prosit mihi ad tutamentum mentis et corporis. Amen.

Oratio ad Santos.

In auxilium meum properate S. Angele Custos, S.
Joseph, SS. Patroni mei N. N. et Sancte N. ut, vo-
bis intercedentibus, det mihi Dominus Deus meus
cor contritum et humiliatum, quatenus tanta mun-
ditia et devotione Sacrosanctum Missæ Sacrificium
celebrem, ut ipsi cedat ad honorem, mihi et omni-
bus, pro quibus celebrare intendo, ad salutem.
Amen.

DIES XXIV.

POST MISSAM.

Laudatio.

O dulcissime Salvator, laudent te universi populi,
tribus et linguae, et sanctum et mellifluum nomen
tuum cum summa jubilatione et ardentis devotione
magnificent. Ecce omnium devotorum cordium jubi-

lationes, spirituales affectus, mentales excessus, ac
supernaturales illuminationes et cœlicas visiones ti-
bi offero et exhibeo, cum omnibus virtutibus et lau-
dibus, ab omni creatura in cœlo et in terra celebra-
tis et adhuc celebrandis. Accipe vota mea, Domine
Deus meus, desideria infinitæ laudationis, ac immen-
sæ benedictionis, quæ tibi secundum multitudinem
ineffabilis magnitudinis tuae jure debentur. Hæc tibi
reddo et reddere desidero per singulos dies et mo-
menta temporum.

Gratitudo.

O benignissime Jesu ! quanta tibi gratiarum actio
pro susceptione Sacri Corporis tui debetur, cuius
dignitatem nullus hominum explicare potest. Gra-
tias tibi, o pastor æterne, qui me pauperem et exu-
lem dignatus es pretioso Corpore et Sanguine tuo
reficerem. O quid retribuam tibi, Domine, pro gra-
tia ista, pro charitate tam eximia ? Non est aliud,
quod gratius dare queam, quam ut cor meum tibi,
Deo meo, totaliter tribuam, et intime conjungam.
Dignare, Domine, manere mecum : ego volo liben-
ter esse tecum. Hoc est totum desiderium meum, ut
cor meum tibi sit unitum.

Petitiones.

Præsta, Domine Deus, salutaris meus, ut cum fre-
quentatione Mysterii crescat messe devotionis affec-
tus. Salva animam meam, quam pretioso tuo San-
guine redemisti. Age mecum secundum misericor-
diam tuam, non secundum malitiam meam et ini-
quitatem. Vide omnia bona mea, quam pauca sint
et imperfecta ; illa emenda et sanctifica ; ea grata
habe et accepta tibi fac et semper ad meliora trah. Me quoque pigrum et inutilem homuncionem ad

laudabilem perduc finem. O dulcissime atque amantissime Jesu ! ecce sto ante te pauper et nudus, gratiam postulans et misericordiam implorans ; accende frigiditatem meam igne amoris tui ; verte mihi omnia terrena in amaritudinem ; omnia infama et creata in contemptum et oblivionem. Tu solus mihi ex hoc jam dulcescas usque in saeculum. Utinam me totaliter ex tua praesentia accendas, comburas et in te transmutes ; ut unus tecum efficiar spiritus per gratiam internae unionis et liquefactionem ardentis amoris ! operare, Domine, mecum misericorditer, sicut saepius operatus es cum sanctis tuis mirabiliter. O ignis semper ardens et numquam deficiens ! O amor corda purificans et intellectum illuminans !

Intuere quoque, benignissime Jesu, pia desideria devotorum, necessitates parentum, amicorum, fratribus, sororum, omniumque charorum meorum et eorum qui mihi vel aliis propter amorem tuum benefecerunt, et qui orationes et Missas pro se suisque omnibus dici a me desideraverunt et petierunt, sive in carne adhuc vivant, sive jam saeculo defuncti sint ; ut omnes sibi auxilium gratiae, opem consolationis, protectionem a periculis, liberationem a poenis advenire sentiant ; et ut ab omnibus malis eripi, gratias tibi magnificas laeti persolvant. Offero etiam tibi preces et hostias placationis pro iis qui mihi umquam damnum aliquod vel gravamen intulerunt, vel quos ego gravavi vel scandalizavi. Aufer, Domine, a cordibus nostris omnem suspicionem, indignationem, iram et disceptationem, et quidquid potest charitatem londere aut fraternalm dilectionem minuere. Miserere, Domine, misericordiam tuam poscentibus ; da gratiam indigentibus et fac nos tales existere, ut simus digni gratia tua perfaci et ad vitam proficiamus eternam. Amen.

Anima Christi, etc. pag. 45.

Oratio ad B. M. V.

Sancta Maria, Mater Dei, tu quæ es *Refugium peccatorum et Christianorum auxilium*, in me oculos misericordiae tuæ e summo celorum habitaculo concice, benignoque tuo interventu obtine mihi remissionem omnium meorum peccatorum, summum de peccatis commissis dolorem et gratiam Dei fortem et triumphaticem, ut numquam amplius ea perpetrem. Amen.

Oratio ad Sanctos.

Obsecro clementiam tuam, omnipotens, sempiterne Deus, da mihi per hæc immaculata Mysteria, quæ tibi hodie obtuli, intercessione S. Angeli Custodis, S. Joseph, SS. Patronorum meorum N. N. et Sancti N., Spiritum tuum bonum, Spiritum sapientiæ et intellectus, Spiritum consilii et fortitudinis, Spiritum scientiæ et pietatis, et requiescat super me Spiritus timoris tui. Amen.

DIES XXV.

ANTE MISSAM.

Aliud est etiam, lacrymis uberrimis dignum, quod ob nonnullorum sacerdotum incuriam aut impietatem sacrosancta Mysteria tam indigne tractentur, ut qui illa tractant, videantur non credere Majestatem Domini esse presentem. Sic enim aliqui sine spiritu, sine affectu, sine timore, festinatione incredibili Sacrum percipiunt, quasi fide Christum non viderent, aut ab eo se videri non crederent. (Bened. XIV in Bullario.)